

**Immiaaqqat imeruersaatillu kulysirimik akullit Kalaallit Nunaanni puujaasat dás-illu angissutsit assigiinngitsunik tuniniarneqarsinnaanngorlugit puui pillugit nalunaarussiaq allanngortinnerasigut Naalakkersuisut qulakkeerinninnissaat pillugu Inatsisartunut aalajangiiffigisassaattut siunnersuut. Utertitsisarnermut aaqqissuussami puujaasat dás- illu ilaasinnaassapput. Siunnersuummik akuersereernerup kingorna sukkanerpaamik allannguisoqassaaq - kingusinnerpaamilli 1. januar 2024.**

(Inatsisartunut ilaasortaq Jens-Frederik Nielsen, Demokraatit)

### **Akissuteqaat**

(Nunalerinnermut, Imminut Pilersornermut, Nukissiutitut Avatangiisinullu Naalakkersuisoq)

### **Aappassaanneerpeqarnera**

Naalakkersuisut sinnerlugit Inuussutissarsiornermut Aatsitassanullu Ataatsimiititaliaq siunnersuummik peqqissaarussilluni sulinera aamma Ataatsimiititaliap isumaliutissiissutaa pillugit qutsavigaara.

Naalakkersuisunit maluginiarneqarpoq, Ataatsimiititaliami amerlanerussuteqartut, tassalu Inuit Ataqatigiinniit, Siumummiit Atassummiillu issiasut allannguutissatut siunnersuummik imaattumik saqqummiussaartut:

“Utertinneqarsinnaasutut Naalakkersuisunit akuerineqarsimappata immiaaqqat sodavandinillu qillertuusanik, plastikkiniq igalaaminernillu puullit, ilusaat angissusaallu apeqqutaatinnagit, nunatsinni tamani tunineqarsinnaatinnerisigut Nuuk Imiup kisermaassinerata atorunnaarsinneqarnissaa siunertaralugu immiaaqqat imeruersaatillu kulysirimik akullit puui pillugit malittarisassanik nutaanik kingusinnerpaamik 1. januar 2024-mi aalajangersaanissamik Naalakkersuisut peqquneqassasut”.

Siunnersuut akuerineqassasq Naalakkersuisunit inassutigineqarpoq.

Taamatut oqaaseqarlunga allannguutissatut siunnersuut Inatsisartuni suliaassanngorlugu tunniuppara.